

奇耦典會



奇耦典會



敦厚堂重訂奇耦典彙卷之一


石門 梅自馨秉芳氏著

梅華西山

男

安福 蔣錫瑞

梅嶧東山



鎮嵩 續編

孫梅昌俊雅村校

維翰

曾孫梅士杭春舫重校

奇耦天官書

天文有天官官者星官也星座有尊卑若人之官曹列位故曰天官太史公作天官書以紀天文聲應其名以名篇並採日月星辰風雲雷雨以及陰陽疏布等類之列奇耦者名曰奇耦天官書

天官書一奇

一大天

城中有四大天居其首何燕泉曰一大謂之天二小謂之地夫一大天也二小示也地何以言示天曰神

地曰示故也天高地厚杳難臆測昔之譚者率多乖舛爲著闢謬

天學闢謬

嘗按蒙莊有言六合之內論而不議六合之外存而不論蓋維皇於穆鴻洞深昧欲以藐焉中處之身測天地之無窮殆矣雖然古來譚天學者夥矣前聖洵其精後賢叩其秘千歲步惟不爽也獨於天體之辨馨竊有見其謬者焉黃帝經曰六合之內不離於五地在天中大氣舉之斯教誥其誠譚天之祖乎厥後王蕃渾天說因暢厥旨以爲天形似鳥卵地居其中猶卵之黃故天包地外半覆地上半在地下地之上下四方皆天也邵伯溫曰天依形地附氣其氣極緊故能扛得地住氣外有軀殼甚厚所以固得此氣也朱子曰天在外常周環地轉地只在中央不動如此三說均是至理不可破也至西儒謂地如一大圓毯凡一切流峙動植之物皆粘吸於圓毯上海水繞毯而流人物繞毯而生於是有正立者有橫斜者甚至地下有倒立之人倒流之水倒行之舟地下人

與吾輩足掌相對等語極爲不通而黃九煙諸人羣起而附會之反藉朱子地在中央惟天運轉不息故授結得許多渣滓在中間成地之說謂朱子既云地可授結居中况人與物附地而成形者獨不可以授結而居中云云極口稱道服爲至理噫誤矣夫覆載豈可倒置上下豈可轉移此等異說不必賢者而始辨也况謂地球八面皆有入物又云我以正爲正彼亦以橫斜創立者爲正夫既謂之橫斜創立矣而尙得爲正乎且曰西土有遍歷大地一周者見南極衆星朗朗與吾土所見迥異夫西土亦人安能遍歷大地其意欲援入地三十六度者以爲橫斜創立之證耳不知渾天之儀玉衡南北斜指璿璣東西轉運北辰爲天樞出地三十六度而常現南極爲天軸入地三十六度而常隱西土雖其安能入地而見南極乎乃揭子宣游于六輩惑於其說遂謂以赤道爲天頂者其地兩夏兩冬而無春秋以兩極爲天頂者其地以半年爲晝半年爲夜夫我

朝時憲一書上準璣衡兼以西洋推算屢端歸餘每年歲差積算置閏其於天行運度毫髮不爽太陽遲速自京畿各直省以極蒙古回部海隅日出之區所差不過分數多寡而總

合推步原無二致今謂春秋晝夜懸隔天淵毋論氣候迥殊
無以孚時行物生之運諒天體亦不應乖舛至此其謬一也
又自離騷有九天之說而淮南諸家因主九地立名朱子謂
據某觀之只是九重蓋天運行有許多重數裏面數重較軟
在外面則漸硬想到第九重只成硬殼相似那裏轉得又愈
緊此亦就積氣成形之理推想當然而因以測星曜遲速之
運可耳今歷家遂謂自太陰天而上又一重爲水星天又一
重爲金星天又一重爲太陽天至第八重始爲恒星天謂其
間星曜所歷高下遠近實各屬一重夫片雲薄霧卽足以掩
日月之光彼一恒星下隔七重蒼蒼之天而能朗朗不蔽乎
其謬二也古來司天官者皆云周天三百六十五度四分度
之一此固不易之論也蓋天與日月星辰運行之遲速必如
此積分步算方可推測不差故立此度數以爲歷家之極則
如天地相去若千里東西相去若千里南北相去若千里皆
可以土圭定之固不待操尺布肘而始得其分數也乃羣書
聚訟各主一說至有彼此異見或相什伯或相千萬者其謬
三也又有爲地浮水上與天相接之說者此特不解地在天
中大氣舉之之義故因四方皆水而疑之也不知四方海水

原在地中如人身血脈周流上下運行於四體故曰振河海而不洩非地之外又有所謂滄蓋天地之爲物總是一團積氣所凝地位天中上下四旁尙有許多空濶處都是此氣所纏綸故能扛得地住而不見其重安待地下有水而始藉之以浮乎況天屬陽體圓而善動地屬陰體方而常止五行之性渾括於陰陽則五行之質亦包舉於天地水只五行之一乃能出乎地外交乎天中而載地耶且如所云地下而有橫斜創立之人不又盡在水中倒沒耶茅盾割裂其謬四也至考靈耀云地常動不止譬如人在舟中而坐舟行而人不覺地動而天靜如舟行而岸移此說尤爲淺俚夫天不動則日月星辰亦必不動彼七曜運行遲速昭然而尙爲此夢語乎況天與地爲火星昴定其方分至啓閉應其候行止動靜不爽抄忽安可以無定之舟無憑之岸而依稀恍惚以爲驗乎且問所謂地動是如何樣動法如輪之轉則上下倒如磨之旋則四方混不知地陰也靜而不遷天陽也動而有常舟行岸移之說不可以惑童稚其謬五也又按譚天者有春秋書夜之異議而說地者因有暗洋殊域之奇聞如季麟光臺灣雜記云臺灣東北有暗洋一年一晝夜每年至秋卽黑至春

始旦昔有紅鬚舟泊此地愛其山明水秀留百人居之次年
至則長夜不明人盡死亡取火索之石上留字云云又坤輿
外紀云莫斯科朱亞國夜長晝短冬至日止二時又唐史稱
太宗收骨利幹其地晝長夜短日入時烹羊脾及熟東方已
明又元史稱元太宗伐欽察西域等國其欽察去中國三萬
八千里夏夜極短日暫沒輒出據此四說而執之以爲揭游
諸公証不幾疑天涯海角爲終不可以常理推乎夫晝夜長
短因地不齊自是理所必有但亦不必如此之甚若夫暗洋
之說出自紅夷已屬荒唐且晝夜而以半年計並不及日月
之出入則卽有其地已不在日月照臨之中已不在覆載生
成之域直是天地交際混沌沕漠之極圃云爾然則所謂晝
夜亦不過陽氣既盛則烘光炯炯如白晝陽氣一潛則陰晦
冥冥若長夜又何分於春秋四時晝夜陰陽之運行哉其謬
六也孟子曰盡信書則不如無書不可信之書不可不疑不
可盡信也諸如此類難以枚舉姑摘其悖謬之甚者以觀高
明云

一清老子曰昔之得一者天得一以清地得一以寧神得一以
靈穀得一以盈萬物得一以生侯王得一以爲天下禎故

晉武帝卜世祚得一數而王戎以此說進之說文云惟初太極道立於一造分天地化生萬物

一元

元者何太初之中氣也天帝得之運乎無窮后土得之溥博無疆人之有元百體統焉是故太虛渾淪冲然無朕惟一元之氣周流磅礴而

時行物生萬古不息

一氣

太極動而生陽靜而生陰陰氣流行則為陽陽氣凝聚則為陰是陰陽二氣本一氣之所分而造化五行終始萬物

無不管

於是矣

一度

玉海云天體周圍三百六十五度四分度之一一度二千九百三十二里周天積一百十萬九百一十三里徑三十

五萬六千九百七十一里

洛書甄曜度一度為千九百三

十二里天地相去十七萬八千五百里星經在天一度經

地一千九百二十二里二十步一舍有三十度晉天文志

一度分為百分四分度之一即百分中二十五分也又或云

一度廣三千里或云一度畧四百餘里胡安定云人一呼一

吸謂之一息一息之間天行八十餘里人之一晝一夜有萬

三千六百餘息是故一晝一夜而天行九十餘萬里
經云帝命豎亥步自東極至於西極五億十選九千八百步
又曰天地之東西二萬八千里南北二萬六千里
曰禹使大章步自東極至於西極二億三萬三千五百里七
十五步使豎亥步自北極至於南極二億三萬三千五百里
七十一步
廣雅云天去地二億一萬六千七百八十一里
半度地之厚與天高等南北相去二億三萬三千五百七
二十五步東西城短四十步
詩含神霧云天地東西二億
三萬三千里南北二億一千五百里天地相去一億五萬里
河圖括地象曰地南北三億三萬五千五百里
以上諸說
各不相蒙茲特備錄以證異聞耳夫以天度量爲生民日
用之所常需而長短大小隨時異宜尙不能以協於一况欲
與之較量天地之廣狹哉
存而不論可也

天

石氏星經云天一太一各一星在紫宮門外立承事
天皇大帝宋均曰天一太一北極神之別名

地

星名並天一太
一爲三一詳下

太一

天神之最貴者即天帝之別名星經云天太一二星主

極星明者太一常居也斗口三星口太一一天文志中太極其

明者泰一常居也按吳天上帝曰泰一曰太乙曰耀魄靈

曰天皇帝皆北辰北極之別名也○又太一天地未分混

沌之元氣也陳藏器曰太一者道之宗源太者大也一者道

也大道之師即理

化元君禹之師也

太尊一星

在中台之北天子貴戚也

宰相一星

在北斗南總領百可以集眾事者也

傳說一星

年與志以軒轅星為黃帝之精而造父王良奚仲

則火漆謂傳說一星主後宮求嗣之事傳

母宮之故名傳說而偶與高巨同名耳

謁者一星

太微宮左掖法東北一星曰謁者主贊賓客

大將一星

晉天志天將軍十二星在婁北至武備中央一人星為天之大將星外小星吏士也大將星搖及大將星

出而小星不

具皆至兵

即將一星

在卽位東北所以為武備卽左右中卽將也占大而明角將恣則不可當

野將一星

參東南有一大星日須為野將王侵掠

極北一星

女史星也

極東一星

在下史也

太白一星

在東方先教明日出

長庚

在西方後日而天二星即太白一星也詳五星

鍵閣一星

星經云鍵閣一星在房東北掌管鑰也占不居其所則津梁不通官門不禁若則反是也

長沙一星

天官書軫為車至風其旁有一小星曰長沙星言不欲明明與四星等若五星入軫星中主兵正義曰長

沙一星在軫中主壽命
占明主長壽子孫昌也

甘露一甕

十洲記黃帝時丹邱獻瑪瑙甕堯時猶存甘露在其
中盈而不竭至舜時露漸添時淳則露滿澆則露竭

甘露一瓶

玄怪錄云唐李靖微時夜獵山中宿一朱門老婦延
之中夜聞扣門甚急婦曰吾龍女也二子俱出天命

行雨煩耳一行乃命乘黃頭青驄馬出小甕戒曰馬踐地嘶
鳴即取甕中水滴馬鬃上慎勿多也靖連下二十滴曰婦一
滴水地上三尺此村
夜水六十餘丈矣

天官書二偶

兩大天

地天地為四大之二故云兩大關尹子曰天非自
天有為天者地非自地有為地者然則人知非

天地之大而亦知
其所以大乎

兩間天

地維上有天維下有地人物悉
處於兩者之間故云兩間

兩儀 天陽地陰 易有太極是生兩儀兩儀者兩體之容儀

後陽氣上浮為天陰氣下凝為地謂之兩儀

邵子曰兩儀天地之謂乎曰兩儀天地之祖也

兩階 泰階六星兩兩相比 故名兩階即三階

二極 南極 天之北極南極入地三十六度常隱而

極五星其中一星為天樞天樞遠之天壤為北辰北辰左右

別有四輔間嘗以夜候望自第一星至於四輔各各旋轉而

天樞則昏旦如一俗誤以南斗北斗為南北極者非又弧

星之南一大星曰南極老人星主人壽考常以秋分時見於

南刻一

名弧南

二曜 日為陽精月為陰精照曜宇宙故云二

曜沈括曰日月本無光以日曜之乃光耳

二精 日 天月地 援神契曰天地至貴精不

兩明汪云天為日精地為月精

二象 曰衆陽之宗月諸陰之母稱二象者言曰

二離 曰月

二紀 曰月思立賦察二紀五緯之綱繆通皇

二天生我者天庇我者又一天故云漢蘇章為冀州刺史有

皆一天我獨有二天章曰今與故人飲者私恩也明日冀州按事公法也究正其罪愚謂既是故人則宜諭之改行否亦不宜與飲章之舉雖卓而以待故人恐不若是慙又宋麗籍知延州兼招討及代民遮泣曰公用兵數載雞犬不驚桑麻樂業吾民二天也何忍去之

二立 天楊子將郊二立二立謂天也

二氣 陰地陽天陰陽天地皆有二氣兩儀之稱

二名老子無名之始有名萬物之母

天地二司日老子歷藏中經云日為司徒姓張名表字長史月為司空姓文名申字子光

日月二神欝華結鄰七聖記欝華赤文與日同居結鄰黃文與月同居黃庭經欝儀奔日之仙

結鄰奔月之仙

日月二門卯酉卯為日門太陽所生酉為月門太陰所生天地開物始於寅至卯而門闢天地閉物

始於戌至酉而門闢朱子云一氣而春夏秋冬一月而晦朔弦望一口而晝夜行度莫不由乎左右之門極贊坎離之功用之大也又按十二肖卯居兔酉屬鷄故世因有月中玉兔日中陽鳥之說

日月二山鞠陵山日月所出常陽山海經大荒中日月所入見山

日月二巖日巖煖月巖涼夏傳后羿妻嫦娥奔大荒日月之山山有二岩娥性清涼乃搆石為宮

於月岩居之。爲月宮之神。岩旁有大娑婆樹。上有玉兔。卽月宮也。按此說。古今艷稱。理或有之。戰國策。月魄象蟾蜍。故世謂月彩爲蟾光。

日月二會

鵲首

壽星

大衍星分圖五月午日日月會於鵲

首八月酉日日月會於壽星

日月二食

左傳注云。月體無光。待日照而光生。半則爲弦。全乃成。望交在望前朔則日食。望則月食。交在望後望則

月食。後月朔則日食。交正在朔則日食。既前後望不食。交正在望則月食。既前後朔不食。大率一百十三日有餘。而道始一交。非交則不相浸犯。故朔望不常有食。按日月之食。惟二分二至。至不爲災。其他月則視主極乾綱以轉移之。大臣燮理陰陽所宜潛孚默運于其際也。

日月二行

北行

南行

大唐西城記云。日六月合爲一行。日遊在內北行也。日遊在外南行也。總